

Augsburg, 4. August 1572

An Theodor Zwinger

UB Basel, Fr. Gr. I 11, fol. 342r.

S. Nostri Augustani φιλοξενίαν καὶ φιλανθρωπίαν tuam ita mihi praedican, Vir Clariss[ime], d[omine] et amice colende, ut nesciam qui[bus] verbis gratias agam liberalitati erga me tuae: habebo certè semper. D. Ostermannus an sit in urbe dubito. Si est: mox illi mandatum tuum exponam. Sin abest, ego omnino Weitmoseris vel respondendum, vel etiam literis lacessendos esse censeo. Qui si Amphitheatrum tuum magnificè remuneraturi non sunt: indignos iudicio sentina, nedum 14 primis ordinibus. Omnino moneri eos officij oportet vel per te vel per alios. ἀμνάμονες γὰρ οἱ βροτοὶ, ἀ δὲ παλαιὰ χάρις εὑδεῖ.

3. Demosthenes, Argentinenses amici Eusebio Episcopio acceptos retulerunt. Mihi nec defectus 2. Demosthenum mittuntur: et editio gnomologiae de industria videtur ad nondinas differri: cum exempla aliquot maturè me habere, meis rationib[us] valde esset accommodatum. Petij proximis literis ut 30 exempla cum typis 4. ligneis et defectibus Argentinam mitteret: idquē denuo peto. Si negliget, ut solet: Δεῖ (κατά σε εἰπεῖν) τῶν χαλκογράφων οἵα διδοῦσι φέρειν: et nondinae appropinquant: et parum interest, utro ex loco ad me mittantur: modò mittantur sarta tecta.

De Oporini nostri bibliotheca ferendum est aequo animo. Ego ne mea eandem fortunam experiretur: eam Palatino principi nudiusquartus 600 f. addixi: cum mihi ad mille quinquaginta constiterit: eaquē in vasa compingenda tam nunc occupor: quam antehac ea augenda et lectitanda. Destituor acie oculorum et memoria, et impedit morbis, et non habeo doctos auditores, nec abundo ocio, et nummis saepè destituor. Soluet illa pro me τὸ ἐβούκιον, quod est 30 f. quanti sunt redditus de 600. Nec enim praesens mihi pecunia numerabitur. Vale feliciss[ime] et diutissimè. Augustae. Pridie nonas Augusti: quo die et hora tuas accepi. 1572.

Hiero[nymus] Wolfius
Tuus.